

河順流兮芙蓉析苞而委素波欲躍兮四觸鬣而皆
隅將潛兮小星尾而就淤啞喋兮指萍苴充旦鋪委
翳兮藉荇藻托霄居甘霖霖霖兮似有蠲白日黯黯
兮竟焉舒從龍邁兮乖夙好中懶忌兮幾不保江湖
邈兮故鄉風雨淹兮中道念比目之傷拆若剗腸而
就稿幸脫身於鼎鼐敢辭羈乎盆沼鰵鱖迫兮自言
親蚌蠃狎兮忘匪倫交煦沫兮匹儔寄食息兮他人
君不見兮南溟之巨鱗穢天津兮戛崑崙糲餘皇兮
喻洪淪揚鬢帛兮恣膏肉龍伯逝兮緡不屬嗟生命
兮在天汝何為兮惆悵涸轍兮見憐清冷兮蒙放決
兮滂漾兮朗攜負滉漾縱心調暢何莊惠之足論竟
相忘於波浪亂曰欸女麗留芳其餌兮委身受紲中
怖痲兮咫尺齋連隔千里兮凶吉樛伏曷終始兮譬
彼吞舟制螭螳兮優哉游兮聊卒歲兮

愁賦

搖落窮秋云胡在心焚如蠶絲歷亂難禁又似膠漆
黏結不分沈冥晝晦鬱術寒雲七情之表五蘊之外
別構愁國金湯衣帶海輪何竭酒攻不解於是僕產
樂土晚繫愁庭出入愁伍寢食愁并朱顏向墨鬢鬢
移素中腸陰窳駢脅徐露隣死尺寸厭生萬端撫膺